

TANLOV

ХЕЧ КИМ ДЕПУТАТЛИККА ҲАМДА ВАКОЛАТ, ФИКР АЛМАШИШ, ҲАЁТИЙ ТАЖРИБА БУ БОРАДА ДАСТУРУЛАМАЛ БЎЛАДИ.

БУГУНГИ ДЕПУТАТНИ КЕЧАГИСИ БИЛАН СОЛИШТИРИБ БЎЛМАЙДИ. ЧУНКИ УЛАРНИНГ ВАКОЛАТИ ҲАМ, ЗИММАСИДАГИ МАСЪУЛИЯТ ҲАМ, ЎЗ НАВБАТИДА, ТАЖРИБА ҲАМ ОРТГАН. БУ, АЙНИҚСА, АМАЛИЙ ИШЛАРДА ЎЗ ИФОДАСИНИ ТОПМОҚДА.

ХАЛҚ ДЕМОКРАТИК ПАРТИЯСИ ДЕПУТАТЛАРНИ ЯНАДА РАҒБАТЛАНТИРИШГА, УЛАРНИНГ ЎЗАРО ТАЖРИБА АЛМАШИШИГА АЛОҲИДА ЭЪТИБОР ҚАРАТМОҚДА, ТУРЛИ ТАДБИР ВА ЛОЙИХАЛАР АМАЛИЁТГА ЖОРИЙ ЭТИЛМОҚДА. "ЎЗБЕКИСТОН ХДПНИНГ ЭНГ ФАОЛ ДЕПУТАТИ" КЎРИК-ТАНЛОВИ ШУНДАЙ ЛОЙИХАЛАРДАН БИРИДИР.



ФИКР, ТАЖРИБА АЛМАШИШ МАЙДОНИ

"ЎЗБЕКИСТОН ХДПНИНГ ЭНГ ФАОЛ ДЕПУТАТИ" ТАНЛОВИНИНГ РЕСПУБЛИКА БОСҚИЧИ ЎТКАЗИЛДИ

Мазкур танловнинг биринчи bosqichi дастлаб шаҳар-туманларда бўлиб ўтди. Сараланган фаол депутатлар Қорақалпоғистон республикаси, Тошкент шаҳри ва вилоят bosqichlarida билим ва кўникмаларини синовдан ўтказди. Ўтган ҳафтада тарихий кент — Бухоро мезбонлик қилган тадбирда эса 14 ҳудудда кучли, деб топилган халқ вакиллари республика биринчилиги учун беллашди.

Табиийки, танлов бор жойда шартлар ва уларга қўйиладиган баллар бўлади. Ҳакамлар ҳайъати ҳар бир шартни 5 баллик тизимда баҳолаб борди. Биринчи шарт аҳоли муаммосини ҳал этишнинг энг самарали йўли, деб номланди. Унда иштирокчилар ўзларининг амалий ишларини 5 дақиқалик видеоролик орқали намойиш этди. Хусусан, ижтимоий масалаларга ҳуқуқий ечим, фуқаро манфаатларини ҳимоя қилиш, партиянинг сайловолди дастурида белгиланган устувор вазифаларнинг ижросига янгича ёндашув масалаларида чора-тадбирлар ҳақида маълумотлар берилди. Бунинг учун ҳар бир иштирокчига 10 дақиқадан вақт ажратилди.

Танловнинг иккинчи шarti, сиёсий ҳозиржавоблик, деб номланди. Бу шартда олдиндан тайёрлаб қўйилган саволларга озгаки жавоб берилди. Иштирокчилар 7 та саволнинг қанчасига тўғри, қисқа, аниқ ва тезкор жавоб бера олганидан келиб чиқиб баҳоланди.

Танловда депутатларнинг қизиқишлари ҳам ҳакамлар ҳайъати томонидан баҳоланди. Бунинг учун учинчи шартда белгиланган талаблар асосида намойиш этилган саҳна кўринишлари, ижодий чиқишлар асос бўлди.

Шу тариқа энг фаол депутатни аниқлашга қаратилган танловнинг республика bosqichi якунига етди. Унга кўра, 3 та учинчи ўрин, 2 та иккинчи ўрин соҳиби аниқланди. Халқ демократик партиясининг энг фаол депутати номига эса бир киши сазовор бўлди.

Албатта, танловда ғолиблик рамзий маъно касб этади. Турли номинацияларда тақдирланган иштирокчилар ҳам янги ташаббуслар, режа ва ғоялар, асосийси, катта тажрибага эга бўлган ҳолда ўз уйларида қайтишни таъкидлади.

Мақсуда ВОРИСОВА,
Олий Мажлис Қонунчилик палатасидаги Ўзбекистон ХДП фракцияси аъзоси,
Марказий Кенгаш раиси ўринбосари:

— Янги таҳрирдаги Конституцияда Ўзбекистон ижтимоий давлат экани белгилаб қўйилди. Бу партиянинг неча йиллик орзуси эди. Эндиликдаги ҳаракатларимиз Ўзбекистон ижтимоий давлатга айлантиришга қаратилди.

Бош қонунимизда инсон биринчи ўринга чиқарилди. Ҳар бир фуқаронинг манфаати давлатнинг диққат марказида бўлиши, ҳуқуқлари кафолатлини белгиланди. Ана

шунда давлат ижтимоий жиҳатдан ривожланиди, тараққий топади. Бунда халқ вакиллари бўлган депутатларнинг, нодавлат институтларнинг ўрни ва роли аҳамиятлидир.

Ўтказилган кўрик-танловда ҳам ушбу жиҳатларга алоҳида эътибор қаратилди. Депутатлар ўзларига ва ўз касбдошларининг фаолиятига четдан назар ташлаш имконига эга бўлдилар. Тажриба алмашиш, биланларини тақрорлаш, билмаганларини ўрганишга эришдилар. Чунки танловга тайёргарлик жараёни бир кунда амалга ошмади. Иштирокчиларнинг нафақат назарий билими, балки округларда ишлаш кўникмаси ҳам ошганига шубҳа йўқ.

Қизилгул ҚОСИМОВА,
Олий Мажлис Қонунчилик палатасидаги Ўзбекистон ХДП фракцияси аъзоси,
танлов ҳаками:

— Аслида фаол ва ташаббускор депутатларимиз битта саҳнага сизмайди. Чунки маҳаллий кенгашларда 1600 нафардан ортиқ депутатга эга бўлган партияимизнинг иши ҳам шунга яраша кенг қўламлидир.

Биласиз, маҳаллий Кенгаш депутатлари жамоатчилик асосида, ойликсиз ишлайди. Керак бўлса, уларни ватанпарлар, деб айтиш керак. Ана шундай кишилар орасида бўлиш ва танловда иштирок этиш, охири bosqichga етиб келиш ҳам бир жасорат.

Лекин биламизки, танловда шартлар бўлади, шартларнинг талаблари бўлади. Бизга эса шартларнинг бажарилишини таққослаш, уларни баҳолаш масъулияти юкланди. Хурсанд бўладиган тарафи, ҳеч ким четда қолмади, номинациялар белгиланди, ҳар бир иштирокчи тақдирланди.

Муҳими, танлов натижаси олинган ўрин билан чекланмайди. Бундай тадбирлар ҳар бир депутатга ўз устида ишлаши учун имконият ва рағбат вазифасини ўтайди, деб ўйлайман.

Эргаш АБДУРАИМОВ,
Олмалик шаҳар Кенгашидаги Ўзбекистон ХДП гуруҳи аъзоси,
танлов ғолиби:

— Биламизки, депутатлик бу касб ҳам, ҳунар ҳам, мансаб ҳам эмас. Бу халқ ишончи билан берилган катта масъулият, деб ҳисоблайман. Ўтказилган кўрик-танлов эса ана шу масъулиятимизни элакдан ўтказадиган, янада чархлайдиган, ўзаро тажриба орттиришимизга сабаб бўлган рақобат майдони бўлиб хизмат қилди, десам тўғри бўлади.

Танловда берилган баҳога келсак, у рамзий маънога эга бўлиб, депутатларга энг ҳолис ва энг тўғри баҳони сайловчилар беради, албатта. Баҳолаш жараёнида фақатгина 3 та шарт инобатга олинди, деб ўйлайман. Сайловдан кейин ўтган 4 йил давомида қилинган амалий ишлар, орт-



тирилган тажриба ҳам инобатга олинган бўлса керак. Депутатнинг бутун фаолиятини биргина танловда кўрсатиб бериш қийин масала. Танловда эришганларим, аввало, ўз устимда кўпроқ ишлашга ундади. Депутатлик масъулиятини янада чуқур ҳис этишимга туртки бўлди.

Жавлонбек АБДУЛЛАЕВ,
Косонсой туман Кенгашидаги Ўзбекистон ХДП гуруҳи аъзоси
2-ўрин соҳиби:



— Танлов чинакам маънода партияимиздан сайланган депутатлар учун маҳорат мактаби бўлди. Унинг иштирокчиси сифатида катта тажриба олдим. Аҳоли мурожаатлари билан ишлаш, партия дастурий мақсад ва вазифаларини тарғиб қилиш, аҳоли розилигига эришиш йўлида сафдош депутатлар билан тажриба алмашдик.

Аслида танловда ҳамма ғолиб. Танловда иккинчи ўринни эгаллашим эса менга катта мотивация бериш билан бир қаторда ўз

устимда кўпроқ ишлашим кераклигини кўрсатиб берди. Сиёсий муҳит, эътибор, кучли депутатлар билан фикр ва тажриба алмашиш имкониятига эга бўлдим.

Ўзим ҳақимда гапирсам, олий таълимда аввал бакалавр, сўнг магистратура bosqichlarини иқтисодиёт соҳасида битирганман. Талабалик давримдаёқ Косонсой туман Кенгаши депутати бўлиб сайланганим илмий ишмни ҳам ижтимоий соҳада ёклашимга асос бўлди.

Фаолиятимни депутат ёрдамчилигидан бошлаганман. Депутатлик ишимда эса Олий Мажлис Қонунчилик палатаси депутати Анвархон Темиров билан доимо ҳаммаслак бўлиб иш юритганим округимда кўплаб ижтимоий муаммолар ҳал бўлишига асос бўлди.

Мен каби бир ногиронлиги бўлган, жисмоний имконияти чекланган ёшни тарбиялаб, ўз сиёсий позициясига эга шахс, инсонларга нафи тегадиган фигура қилиб шақллантирилган партияимиздан ҳар доим миннатдорман. Муваффақиятим менга билдирилган ишончининг меваси, деб ўйлайман. Бунинг учун устозларимга ташаккур.

Бахтиёржон ТҮЙЧИЕВ,
Риштон туман Кенгашидаги Ўзбекистон ХДП гуруҳи аъзоси,
3-ўрин соҳиби:



— Танловнинг турли bosqichlarida қатнашиш аввало, мени депутат сифатида яхши томонга ўзгартирди. Бу каби танловлар давомли бўлиши керак, деб ўйлайман. Сабаби, улар орқали тажриба алмашиш имкони мавжуд ва мазкур ташаббусни биринчилардан бўлиб Халқ демократик партияси олиб чиққани бизни қувонтиради.

Зилола УБАЙДУЛЛАЕВА,
Ўзбекистон ХДП Ахборот хизмати раҳбари.

ПОЛЬША ПАРЛАМЕНТИ ЯНГИ БОШ ВАЗИРНИ САЙЛАДИ



11 декабрь куни бўлиб ўтган овоз беришда Польша Сеймининг (парламент) 248 депутати унинг номзодини ёқлаб овоз берди, яна 201 нафари эса бунга қарши чиқди. Шу тариқа Польша парламентининг қўйи палатаси кўпчилик овоз билан тажрибали сиёсатчи Доналд Тускни мамлакатнинг навбатдаги Бош вазири қилиб сайлади. Энди Тускнинг олдида мамлакатнинг янги ҳукуматини шакллантириш вазифаси турибди.

Доналд Тускнинг Бош вазир этиб сайланишининг ўзига хос жиҳати бор. 15 октябрда парламент қўйи палатаси ҳисобланадиган Сеймга сайловда амалдаги Бош вазир Матеуш Моравецкий бошчилигидаги "Қонун ва адолат" партияси 460 та ўриннинг 194 тасини эгаллаб, амалда энг кўп овоз йиғган партия бўлишига қарамасдан, ҳукуматни шакллантириш учун ўзига иттифоқчи тополмади. Аини пайтда, муҳолифатнинг учта партияси - Тускнинг «Фуқаролик платформаси», шунингдек, «Учинчи йўл» ва «Янги сўллар»дан иборат «Фуқаролик коалицияси» блоки парламентда 248 ўринга эга бўлди ва коалиция бўйича келишиб олди.

ПАРЛАМЕНТ ТУЗИЛИШИ ВА УНИНГ САЙЛОВ ТИЗИМИ

Польша парламенти икки палатадан иборат.

Юқори палата Сенат, деб аталиб, унинг таркибиде 100 та сенатор бўлади. Қўйи палата Сейм, деб аталиб, 460 та депутатдан иборат.

Ҳар икки палата аъзолари ҳам 4 йил муддатга сайланади. Сенатор бўлиш учун ёш 30, Сейм учун 21 ёш белгиланган.

Сенаторлар бир мандатли тизимда сайланади. Яъни, мамлакат ҳудуди 100

та сайлов округига бўлинади ва ҳар бир округдан биттадан номзод сайланади.

Сеймда эса сайлов бошқачароқ шаклда, яъни пропорционал сайлов тизими орқали сайланади ва d'Hondt усулидан фойдаланилади.

Сеймга кириш учун ҳар бир сиёсий партия умумий сайловчиларнинг камиде 5% овозини йиғиши керак бўлади.

Кўпчилик давлатлардаги каби Польшада ҳам Сейм қабул қилган қонунни Сенат ўзгартириши ёки бекор қилиши мумкин. Лекин Сейм аъзоларининг кўпчилики овози Сенат қарорини бекор қилиши мумкин.

САЙЛОВЛДИ ТАШВИҚОТЛАРНИНГ АСОСИЙ ЖИҲАТЛАРИ

Фуқаролик коалицияси вакиллари амалдаги Бош вазир Матеуш Моравецкий ва "Қонун ва адолат" партиясини суд тизimini сиёсийлаштирганликда, оммавий ахборот воситаларини ўзининг ташвиқот воситасига айланганликда ва ўз ҳокимиятини мустаҳкамлаш учун давлат ресурсларидан фойдаланганликда, шу билан бирга, Польшанинг Европа Иттифоқидаги мавқеига путур етказётганликда айблашган.

Коалиция вакиллари "сиёсийлашган", дея таъкидланган суд-ҳуқуқ ислохотларини бекор қилишга, Полшанинг ЕИ билан кескинлашган алоқаларини яхшилашга ваъда беришган.

Ўз навбатида амалдаги ҳукумат ўзининг фаровонлик дастурлари ва энг кам иш ҳақини ошириш каби ислохотлари билан машҳур эди. Бу ислохотлар орқали миллионлаб поляклар турмуш даражасини оширишга эришганди.

Улар ижтимоий харажатларни янада оширишга, доимий армия ходимларини 300 000 аскарга кўпайтиришни режалаштиришган эди.

Айрим мутахассисларнинг фикрича, Доналд Тускнинг тажрибали сиёсатчи эканлиги ҳам ғалабанинг асосий сабабларидан бўлган.

Маълумот учун, Доналд Туск 2007-2014 йилларда Польша Бош вазири бўлган ва 2014-2019 йилларда Европа кенгаши раиси лавозимида ишлаган.

Украина - Россия уруши фониде бошқа ғарб давлатлари каби Польшада ҳам аҳолининг кўпчилигида ғарб билан бирлашиш кайфияти усувор экани натижаларда яққол кўринди, дейиш мумкин.

Аҳмад ҚУРБОНОВ
тайёрлади.



"УЙМА-УЙ" ЛОЙИҲАСИ

Ўзбекистон Халқ демократик партияси Қорақалпоғистон Республикаси Кенгаши, партиянинг Қораўзак туман Кенгашидаги ЎзХДП депутатлик гуруҳи аъзолари, партия фаоллари ва туман "Инсон" ижтимоий хизматлар маркази ходимлари "Уйма-уй" лойиҳаси доирасидан эҳтиёжманд фуқаролар ҳолидан хабар олишди.

Ўзбекистон Халқ демократик партиясидан сайланган туман Кенгаши депутати Бийбираба Пиримбетованинг ёрдами билан "Досназаров" ОФЙ ҳудудида яшовчи ногиронлиги бўлган фуқаролар - Ж. Палуаниязова, М. Раметуллаева ва П. Курбаниязоваларга юришга кўмаклашиш мосламаси олиб берилди.



ЁШЛАР БИЛАН УЧРАШУВ

Ўзбекистон Халқ демократик партияси Зарбдор туман кенгаши кенгаши томонидан Ш. Рашидов номидаги вилоят кутубхона марказида давра суҳбати ташкил қилинди.

Ўзбекистон Ёзувчилар уюшмаси Жиззах вилоят бўлими, Олмачи ҳарбий қисм командирлари, Ҳамид Олимжон ва Зулфия номидаги ижод мактаби ўқувчилари ва Жиззах шаҳридаги 10-, 17-умумтаълим мактаби ўқитувчи ҳамда ўқувчилари иштирок этган тадбирда янги тахрирдаги Конституцияга киритилган ўзгариш ва қўшимчалар мазмун-моҳияти тушунтирилди.

Таъкидланганидек, кейинги йилларда мамлакатимизда амалга оширилаётган кенг қўламли янгиланишлар мутлақо янгича муҳитни юзага келтирмоқда. Бу эса янги давр ислохотлари учун ҳуқуқий асосларни янада мустаҳкамлашни тақозо этади. Ўзбекистон Республикаси Мадҳиясида эса халқимизнинг эзгу орзу-умидлари, келажакка мустаҳкам ишончи теран ифодаланган. Унда мардона ва шарафларга бой ўтмишимиз, миллий аъñana ва қадриятларимиз, тинчлик, осойишталик, миллатлараро тотувлик ва биродарлик каби умуминсоний туйғулар тараннум этилган.

Давра суҳбати давомида ёшларни қизиқтирган барча саволларга жавоблар берилди. Ижод мактаби ўқувчилари томонидан тайёрланган саҳна кўриниши барчага маъқул бўлди.

МЕНИНГ ҲУҚУҚЛАРИМ

Ўзбекистон Республикаси Конституциясининг 31 йиллиги байрами муносабати билан Ўзбекистон Халқ демократик партияси Қорақалпоғистон Республикаси Кенгаши ва Ўзбекистон Ногиронлар ассоциацияси Қорақалпоғистон Республикаси ҳудудий бўлими билан ҳамкорликда Бердақ номидаги Қорақалпоқ давлат университетиде таҳсил олаётган ногиронлиги бўлган талаба ёшлар билан «Менинг ҳуқуқларим» мавзусида давра суҳбати ўтказилди.

Ҳар қандай давлатнинг тарихий тараққиёт йўлидан маълумки, юртнинг жадал ривожланиши, муайян ютуқларга эришиши, халқнинг фаровон бўлиши ўша давлатда ёшлар таълим-тарбияси ва келажакка бериладиган эътибор даражасига чамбарчас боғлиқ. Шу маънода, Ўзбекистонда ёшлар масаласи давлат сиёсатининг энг ўстувор йўналишларидан бири ҳисобланади.

Мамлакатда ёшларнинг ҳуқуқ ва манфаатларини ҳимоя қилиш, уларга зарур шарт-шароитлар ва имкониятларни яратиб бериш борасида мустаҳкам ҳуқуқий асос яратилган ва бу тизим замон талабларига ҳамоҳанг равишда такомиллаштириб борилмоқда.

Хусусан, Ўзбекистон Республикаси Конституциясининг 79-моддасида: «Давлат ёшларнинг шахсий, сиёсий, иқтисодий, ижтимоий, маданий, экологик ҳуқуқлари ҳимоя қилинишини таъминлайди, уларнинг жамият ва давлат ҳаётида фаол иштирок этишини рағбатлантиради. Давлат ёшларнинг интеллектуал, ижодий, жисмоний ва ахлоқий жиҳатдан шаклланиши ҳамда ривожланиши учун, уларнинг таълим олишга, соғлиғини сақлашга, ўй-жойга, ишга жойлашишга, бандлик ва дам олишга бўлган ҳуқуқларини амалга ошириш учун шарт-шароитлар яратади» - деб белгиланган.

Давра суҳбатида Конституцияга киритилган бошқа ўзгаришлар бўйича ҳам маълумотлар берилди.

ЎзХДП Ахборот хизмати.

"ONALIK VA BOLALIK MUHOFAZASI DOIMIIY E'TIBORDA"

loyihasi doirasida amalga oshirilgan ishlar

2023 yil noyabr oyi davomida

SOG'LOMLASHTIRISH SPORT MUSOBAQALARIDA ISHTIROK ETGAN XOTIN-QIZLAR

2484 nafar

DAVOLANISH UCHUN TAVSIYA VA YO'LLANMALAR BERILGAN XOTIN-QIZLAR

1011 nafar

ONALIK VA BOLALIK MUHOFAZASIGA BAG' ISHLAB O'TKAZILGAN TADBIRLAR

229 marotaba

BEPUL DAVOLANISH UCHUN XOTIN-QIZLARGA BERILGAN ORDERLAR

209 nafar

BEPUL TIBBIY KO'RIK DAVOLANISH UCHUN XOTIN-QIZLAR

7385 nafar



MATBUOT ANJUMANI

"ТУРОНБАНК":

ЙИРИК МИЖОЗЛАР,
БАРҚАРОР ИШ ҲАРАЖАТЛАРИ

"ТУРОНБАНК" АКЦИЯДОРЛИК ТИЖОРАТ БАНКИ МАТБУОТ АНЖУМАНИ ҲАҚИДА. ТУРЛИ ЯНГИ ЛОЙИХАЛАР БИЛАН ЙИРИК КОМПАНИЯЛАР ТАШКИЛ ЭТИЛАЭТГАНИ КАФОЛАТЛИ ИШ ҲАРАЖАТЛАРИ ЯРАТИЛИШИДА МУҲИМ АСОС ҲАҚИДА ХИЗМАТ ҚИЛАЭТГАНИ ТАЪКИДЛАНДИ.

Мисол учун, ўтган бир йилда Республикада кичик бизнес вакиллари сони 40 мингга кўпайиб, уларнинг сони 490 мингга етган бўлса, ўрта тадбиркорлар сони 10 минг нафарни, йирик корхоналар эса 1,5 мингга ташкил этмоқда. Албатта, уларнинг сафида "Туронбанк" акциядорлик тижорат банки мижозлари анчагина ташкил этади. Ҳозирда молия муассасасининг Республика миқёсидаги 21 та банк хизматлари маркази ва 72 та банк офиси орқали 32 мингдан зиёд юридик шахсларга сифатли ва тезкор хизмат кўрсатиб келинмоқда.

Хусусан, жорий йилнинг ўтган даврида 925 та ишбилармоннинг бизнес лойиҳаларини молиявий қўллаб-қувватлаш мақсадида 1,4 триллион сўмлик кредитлар ажратилди. Шундан 225 миллиард сўми кичик бизнес вакиллари, 65,4 миллиард сўми аёллар тадбиркорлигига, 184,8 миллиард сўми ўзини-ўзи банд қилган ёшлар стартапларига ва 955,8 миллиард сўми бошқа турдаги кредитлар ҳиссасига тўғри келмоқда. Ушбу ажратилган маблағлар эвазига кўплаб янги иш ўринлари яратилиб, миллий брендлар сони кўпаймоқда. Бир сўз билан айтганда, банк бугунги кунда кўплаб йирик корхона ва ташкилотнинг ишончли ҳамкорига айланиб улгурди.

Мисол учун, аҳолимизга "Сирдарё Кафел" номи билан танилган "Peng Sheng" Ўзбекистон – Хитой қўшма корхонаси ҳам банкнинг йирик мижозларидан бири ҳисобланади, – дейди "Туронбанк" АТБ бошқарув раиси ўринбосари Дилшод Рустамов. – Ушбу иш бошланган вақтида умумий қиймати 26 миллион АҚШ доллари бўлган лойиҳанинг бугунги инвестицион имкониёти 100 миллион АҚШ долларига чиққан. Янги иш ўринлари сони эса 2 мингдан ошди. Аввалига фақатгина керамик кафел ишлаб чиқарилган бўлса, банкнинг молиявий қўмаги билан сантехника маҳсулотлари, қайта ишланган ва ишлов берилган терилар, декор панеллари, томчилатиб суғоришда фойдаланиладиган елим қувурлар, махсус сув ўтказгичлар ва плёнкалар, аёллар ва эркеклар пойабзаллари, чарм буюмлар каби 15 та лойиҳа ташкил этилди. Маҳсулотлар экспорти МДҲ давлатлари, Хитой ва Европагача чўзилди. Аҳамиятлиси, жорий йилнинг апрель ойида давлатимиз раҳбари ушбу корхонанинг қиймати 10 миллион АҚШ доллари бўлган 2 та янги лойиҳасига ҳам шахсан старт бердилар. Улар мармар тошларидан 40 турдаги тайёр маҳсулот тайёрлаш ва терининг чиқиндига чиқариб юбориладиган "оксил" қисмидан желатин ишлаб чиқаришди.

Ўрни келганда айтиш лозимки, кўпчилик "Lochin" номи билан ўзимизда ишлаб

чиқарилаётган юк ташувчи мотоциклларни кўрган ёки эшитган бўлиши мумкин. Аввал асосан валютага Хитойдан импорт



қилинган ушбу транспортни банкимиз мижози бўлган "Real Moto" корхонаси ишлаб чиқаришни бошлади. Ажратилган банк кредитлари эвазига олиб келинган технологиялар шу каби юк мотоцикллари, квадратцикллар ҳамда уларнинг эҳтиёт қисмларини тайёрлаш имконини бермоқда. Ҳозирда ушбу техникаларни кўшни республикаларга ҳам экспорт қилиш бошланган.

Шунингдек анжуманда, йирик ишбилармонларнинг катта ҳажмдаги лойиҳаларини молиявий қўллаб-қувватлаш мақсадида банк бир қатор халқаро молия институтлари билан узвий ҳамкорлик алоқаларини йўлга қўйгани ҳақида ҳам маълумот берилди. Хусусан, Осиё

тараққиёт банки, Жаҳон банки, Ислон тараққиёт банки, Туркиянинг Эксимбанки, Япония халқаро ҳамкорлик агентлиги, Халқаро қишлоқ хўжалигини ривожлантириш жамғармаси, Хитойнинг Эксимбанки, Германиянинг "АКА" банки, Чехиянинг CSOB банки шулар жумласидан экани таъкидланди.

– Эндигина ўз бизнесини бошлаётган ёки капиталлашув даражасини ошириш истагида бўлган кичик бизнес субъектлари ҳамда яққа тартибдаги тадбиркорларга корпоратив кредитлар, депозитлар, валюта амалиётлари, ҳисоб-китоб, газна ҳамда онлайн банкинг хизматлари энг муҳим восита ҳисобланади, – дейди "Туронбанк" АТБ кичик ва ўрта бизнес департаменти бошқарма бошлиғи Равшан Файзиев. – Банкмизда мазкур йўналишларнинг барчаси мавжуд. Биргина юридик шахсларни кредитлаш йўналишини оладиган бўлса, бугунги кунда молия муассасаси томонидан улarga "Айланма маблағларни тўлдириш", "Ишлаб чиқаришни қўллаб-қувватлаш", "Микрокредитлаш", "Инвест лойиҳаларни ривожлантириш", тендер савдоларида қатнашишлари учун "Банк кафолати", "Экспорт амалиётларини бажариш" ҳамда қуёш панеллари "Eko panel" номли маҳсулотлар тақдим этилмоқда. Шунингдек, юридик шахсларнинг бўш турган сармояларини юқори фойда билан хавфсиз кўпайтириш мақсадида миллий валютада 20 фоиздан, хорижий валютада эса 7 фоиздан депозитлар таклиф этилмоқда. Қолаверса, ишбилармонларимизнинг вақтлари ва маблағларини тежаш мақсадида банк томонидан улар учун ҳисобрақамларга масофадан хизмат кўрсатувчи махсус "TuronBusiness" мобил иловаси, "SMS ва Internet banking" хизмати сингари дастурлар ҳам ишга туширилган. Бугунги кунда мазкур кулайлиқдан қарийб 48 минг нафар юридик мижоз фой-

даланмоқда. Анжуманда "2020-2025 йилларга мўлжалланган Ўзбекистон Республикасининг банк тизимини ислоҳ қилиш стратегияси тўғрисида"ги Президент фармонининг ижросини таъминлаш мақсадида кенг қамровли трансформация ишлари амалга оширилаётгани қайд этилди. Шунингдек, трансформация доирасида Жаҳон банки гуруҳига кирувчи Халқаро молия корпорацияси (IFC) билан ҳамкорлик ўрнатилиб, банкнинг бизнес жараёнини такомиллаштириш ишлари олиб борилаётгани ҳақида ҳам ахборот берилди.

Таштемир ХУДОЙҚУЛОВ,
"Ўзбекистон овози" муҳбири.

БИЛАСИЗМИ?

Қуёш электр станциясини тўлиқ ўз маблағидан қурганларга компенсация берилади

Қайта тикланувчи энергия манбалари қурилма-ларининг қийматини тўлиқ тўлаган ҳолда уларни харид қилган ва ўрнатган истеъмолчиларга харид харажатларининг бир қисми қуйидаги миқдорларда Тармоқларо энергияни тежаш жамғармаси ҳисобидан компенсация қилинади:

Қуёш ёки шамол электр станциясини ўрнатганлик учун компенсациялар миқдори ўрнатилган қуввати:

- 0,5 кВтдан 1 кВтгача бўлганда БҲМнинг 7 баробар (2 млн 380 минг сўм);
- 1 кВтдан 1,5 кВтгача бўлганда БҲМнинг 10 баробар (3 млн 400 минг сўм);
- 1,5 кВтдан 2 кВтгача бўлганда БҲМнинг 15 баробар (5 млн 100 минг сўм);
- 2 кВт ва ундан юқори бўлганда БҲМнинг 20 баробар (6 млн 800 минг сўм);
- 5 кВт ва ундан юқори бўлганда БҲМнинг 50 баробар (17 млн сўм, фақатгина янги ерлар ўзлаштирилганда ва тик қудуқларда ўрнатилган сув насосларининг электр энергияси истеъмоли қайта тикланувчи энергия манбалари қурилмалари орқали таъминланганда).

Ижтимоий нафақа оловчи ёлғиз шахсларга ҳар ойлик компенсация тўланади

Ижтимоий нафақа оловчи ўзгалар парваришига муҳтож ёлғиз шахсларга компенсация тўлови жорий этилган.

Бунда, ижтимоий нафақа оловчи ўзгалар парваришига муҳтож ёлғиз шахслар учун ҳар ойлик компенсация тўлови — пенсияни ҳисоблашнинг базавий миқдорининг 45 фоизи миқдоридан (167 минг 400 сўм) тўланади.

Шунингдек, ёши 100 га тўлган ва ундан ошган ижтимоий нафақа оловчи шахслар учун ҳар ойда — пенсияни ҳисоблашнинг базавий миқдорининг 100 фоизи (372 минг сўм) миқдоридан қўшимча тўлов белгиланган.

Бунда, 100 ёшга тўлган ва ундан ошган фуқаролар нафақасига ҳар ойда тўланадиган қўшимча тўлов пенсия ва нафақа тайинлаган ташкилот орқали молиялаштирилади.

Компенсация тўлови, уни олиш ҳуқуқига эга бўлган барча имтиёзли тоифадаги шахсларга, ушбу шахсларнинг пенсия (ижтимоий нафақа) олиши ёки олмаслиги ҳамда меҳнат фаолиятини олиб бориши ёки олиб бормаслигидан қатъи назар тўлаб борилади.

Таълим муассасаларида ҳаво ҳарорати 16° С дан паст бўлмаслиги лозим

Таълим муассасаларининг ўқув хоналарида машғулотлар ўтказишда меҳнатни муҳофаза қилиш талабларига мувофиқ ўқув хоналарида ҳаво ҳарорати енгил жисмоний ишда 21° С, ўртача оғир ишда 17° С ва оғир ишда 16° С дан паст бўлмаслиги керак.

Физика ўқув лаборатория хонасида мунтазам равишда ҳарорат 18° С – 21° С, ҳавонинг намлиги 40 – 60 фоиз бўлиши керак.

Таълим муассасаси ҳудудидаги ҳожатхоналар иссиқ сув ва канализация тизимига уланган бўлиши лозим.

Таълим муассасасида канализация тизими йўқ бўлганда давлат санитария назорати органлари билан келишилган ҳолда таълим муассасасида ер қатламини ифлослантirmagan ҳолда душхоналардан ва юз-қўл ювгичлардан сув оқмайдиған қурилмали ахлат ўраларининг мавжуд бўлишига рухсат этилади.

Туғилганликни тиббиёт муассасаларининг ўзида қайд этиш тартиби жорий этилган

Тиббиёт муассасалари томонидан туғилганлик ФХДЁ бўлимларида қайд қилинганлиги ҳақида QR-кодли маълумотнома берилиши белгиланган.

Шунингдек, ушбу маълумотнома гербли гувоҳномага тенглаштирилади ҳамда давлат органлари ва ташкилотлар томонидан қабул қилишни рад этиш қатъян тақиқланади.

Гувоҳнома эса фуқароларнинг исталган вақтдаги муражаатларига асосан ФХДЁ бўлимлари томонидан расмийлаштириб берилади.

t.me/huquqiyaxborot



"UYMA-UY" LOYIHASI

doirasida partiya tashkilotlari va deputatlar tomonidan xotin-qizlarga ko'rsatilgan amaliy yordamlar

2023 yil noyabr oyi davomida



1297 nafar ijtimoiy ko'makka muhtoj xotin-qizlar holidan xabar olingan



571 nafar xotin-qizlar muammolari aniqlangan




32 nafar xotin-qizlar nogironlik aravachasi bilan ta'minlangan



44 nafar xotin-qizlarga qo'tliq tayov, eshitish moslamasi olib berilgan




24 nafar xotin-qizlarga uy-joy bilan ta'minlashga ko'mak berilgan



94 nafar xotin-qizlar tikuv mashinasi bilan ta'minlangan



283 nafar xotin-qizlarga ish bilan ta'minlashda yordam berilgan



58 nafar xotin-qizlarga kredit olib berishda yordam berilgan



557 nafar xotin-qizlar kasb-hunar o'rganishga jalb etilgan



368 ta "Uyma-uy" loyihasi doirasida o'tkazilgan tadbirlar

